

» praedictis, ac eorum quolibet contentorum facere, dicere vel
» venire possent, aut se in aliquo defendere, juvare vel tueri et
» specialiter jurisdictionem generalem renuntiationem non valere nisi
» praecesserit specialis et expressa. Et ibidem incontinenti prae-
» dicti oratores, syndici et procuratores nominibus quibus supra,
» ad majorem firmitatem et cautelam omnium et singulorum prae-
» missorum ac aliorum in praesenti publico instrumento et capi-
» tulis praedictis contentorum, omnibus melioribus modo, via, jure,
» causa et forma, quibus melius et efficacius potuerunt et debue-
» runt, fecerunt, constituerunt, creaverunt, et solemniter ordina-
» verunt suos, veros, certos, legitimos, et indubitatos procurato-
» res, actores, factores, negotiorumque suorum infrascriptorum
» gestores ac nuntios speciales et generales, ita tamen quod spe-
» cialitas generalitati non deroget, nec e contra, videlicet: Pro-
» vidos et discretos viros magistrum Marianum de Cuccinis, Ni-
» colaum de Parma, Petrum de Aretio, necnon Joannem Baptistam
» de Ecclesia, Andream de Portiis et Tranquillum de Romaulis,
» dictae curiae causarum camerae apostolicae notarios et alios
» quoscumque procuratores et notarios, qui nunc sunt et pro tem-
» pore erunt, quorum nomina et cognomina hic haberi voluerunt
» pro sufficienter expressis, licet absentes tamquam praesentes, ac
» eorum quemlibet in solidum, ita tamen quod non sit melior con-
» ditio primitus occupantis, nec deterior subsequentis, sed quod
» unus eorum inceperit alter eorum id proseguere, mediare et ter-
» minare valeat et finire, ad comparandum pro ipsis d. duce,
» rogatis, consiliariis et dominio praedictis omni tempore, die, et
» hora feriatis et non feriatis, ac totiens quotiens praedicto summo
» pontifici nunc et pro tempore existenti et sacro collegio videbi-
» tur et placuerit, coram dictis dominis camerario, vicecamerario,
» auditore, viceauditore, regente, locumtenente et commissario
» ejusdem ac aliarum curiarum officialibus et iudicibus seu eorum
» locatenentibus et omnia et singula in praesentis capitulis con-
» tenta et expressa, eorumque et cujuslibet eorum contraventionem